

LAMENTAÇÕES DE JEREMIAS

(Auxexũchiga)

Nüxíraxũxũ ga auxechiga

1 ¹Rü nhuxmax rü nangeãcumare ya daa ãane ya Yerucharéũ ga ũpa muãcuchiréne. Rü nhama wüxi i ngexũ i yutexũrũxũ nixĩ ya daa ãane ga guxũnema ga ãanegüétüwa üchiréne. Rü guma ãane ga tachirénearü duũxũgü rü nhuxmax rü norü uanügümexëwa nangexma nax ngëmagü poraãcü napuracüexëëxũcax. ²Rü daa ãanecüãx rü nhuxmax rü poraãcü ngechaũ nüxũ nangux, rü chütacü rü naxauxe. Rü guxũma ga yema nachixũanegü ga noxri daa ãane nüxũ ngúchaũgüxũtanüwa rü nataxuma i wüxi i nataãxëxëëxũ rü bai i wüxi. Rü guxũma ga yema nachixũanegü ga noxri daa ãanemaxã ãmücügüxũ rü nhuxmax rü tama ãnanapoxũgü rü norü uanügü nügü nixĩgüxëë.

.....

⁸Rü norü duũxũgü ya daa ãane ya Yerucharéũ rü poraãcü chixexũ naxüe rü ngëmacax i ngëma togü i nachixũanegü rü düxwa nüxũ naxoe. Rü ngëma nachixũanegü ga ũpa namaxã taãxëgüxũ rü nhuxmax rü tama nüxũ

nacuãxgüchaũ erü nüxũ nadaugü nax nhuxãcü poraãcü chixexũgu nanguxũ ya daa ãane. Rü ngëmacax i nhuxmax i daa ãanearü duũxũgü rü naxauxe rü naxãnee rü ngëma togü i nachixũanecüãxgiina naxãcaxwegümare. ⁹Rü daa ãanecüãx rü chixexũna nügü naxãgü rü tama nagu narüxĩnüe nax yixcüra ya Tupana rü tá ngëma norü chixexũcax napoxcuxũ. Rü wüxi i taxũ i ngechaũ nixĩ nax nhuxãcü poraãcü chixexũgu nayixũ rü nataxuma i texé nax nataãxëxëëxũ. Rü nhuxmax ya daa ãanecüãx rü Tupanaxũ nhanagürügü: “Dücax, Pa Corix, nax nhuxãcü toxũ nacugüexũ i ngëma torü uanügü i nügü írütägüxũ”, nhanagürügü.

.....

¹⁸Rü daa ãanecüãx rü nhanagürügü ta: “Nüma ya Cori ya ixaixcumacü rü tagagutama tüxũ napoxcue erü chixexũ taxügü rü tama naga taxĩnüechaũ i norü mugü. ¡Rü dücax, Pa Guxũma i Nachixũanegücüãx, rü toxũ iperüxĩnüe rü nüxũ pedãux nax nhuxãcü ngüxũ tingexũ! Rü torü ngextüxücügü rü ngëma torü pacügü rü yãxũgüxũ i nachixũanewa nanagagü i torü uanügü.

19Rü norü ngüxêẽçax ítaca i ngêma nachixüanegü ga noxri tomaxã taãxêgüxü, notürü i nümagü rü tama toxü narüingüxêẽgü rü torü uanügüxü nügü nixigüxêẽ. Rü yema torü chacherdótegü rü torü ãëxgacügü rü taxuwama naxçax ne naxü ga norü ngüxêẽ rü yemaçax nu ne nanaximare nax norü õnacax nadaugüxüçax nax yemaacü namaxêxüçax, notürü düxwa daa ñanegu nayue. 20Rü dücax, Pa Corix, i nhuxäcü ngêma guxchaxügü rü poraäcü ngúxü toxü ningexêẽgü rü ngêmacax poraäcü taxoégaãgü. Rü ngëxguma nagu tarüxînüegu nax nhuxäcü tama cuga taxînüexü, rü poraäcü tanaxixächiaãgü. Rü torü ñanearü poxeguxüaru düxétüwa rü taramaxã toxocügüxü nadai. Rü nua ñanearü aixepewa rü taiyamaxã rü ðaxaweanemaxã tayue”, nhanagürügü.

Norü tamaepüx ga auxechiga

3 1Rü chama nixi ga chayangexü ga yema ngúxü ga Tupana norü numaxã ínguxêẽxü.

.....

7Rü nüma rü wüxi ga poxcuchicaxü ga ngearü üxüchicaáxügu choxü nitacuchi rü curêchimaxã choxü nichota. 8Rü woo tagaäcü nüxna chaca nax choxü nangüxêẽxüçax, notürü ga nüma rü tama choxü nüxü naxînüchaxü ga chorü yumüxê.

.....

12Rü nüma rü ngúxü choxü ningexêẽ, nhama norü würamaxã choxü namáxüxürüxü. 13Rü ngêma ngúxü rü nhama naxne ya poraäcü ingaxînerüxü

nixi. 14Rü nhuxmax i guxüma i chorü ñanecüãx rü choxü nacugüe rü guxü i oragu chauchiga narücutanüxü. 15Rü nüma ya Cori rü taxü i guxchaxügü choxü ningexêẽ rü ngêmagagu poraäcü choxü nangux. 16Rü nhama waixümütexegu chapütexemaxã choxü nanhaxürüxü rü chayagatexeächi. 17Rü ngêma chorü taãxê rü choxna nixügachi, rü marü düxwa nüxü icharüngüma i guxüma i ngêma taãxê ga noxri choxü yexmaxü. 18Rü ngêmagagu marü düxwa nagu charüxînü nax Corixü íchatáxchaüxü. 19-20Rü chauãêwa nangu i ngêma ngechaü rü ngúxü i chingexü rü nhuxäcü chaxica nua nax chatáxü rü taxúema choxü rüngüxêẽxü. Rü ngëxguma ngêmagu charüxînügu rü chorü ngúchaü rü nhaxtüwa naxü. 21Notürü nangexma i wüxi i ñnü i guxüguma chauãêwa ngëxmaxü rü poraäcü choxü rüngüxêẽxü. 22Rü ngêma ñnü nixi nax Coriarü ngechaütümüxü rü taguma iyacuáxü rü norü mecüma rü taguma nagúxü. 23Rü wüxichigü i ngunexügu rü choxna nüxü nacuãxächixêẽ nax nhuxäcü aixcuma yanguxêẽãxü i ngêma nüxü yaxuxü. 24Rü ngêmacax chaugümaxã nhachagürü: “Nüma ya Cori ya Tupana rü chamaxã inacuax, rü ngêmacax nagu chayaxõ”, nhachagürü. 25Rü nüma ya Cori ya Tupana rü tümamaxã namecüma ya yíxema nagu yaxögüxe rü naxçax daugüxe. 26Rü name nixi i bexma mea ítananguxêẽgü ya Cori ya Tupanaarü ngüxêẽ.

.....

37Rü ngëxguma texe tüxü ixuxgu rüexna taxacü tüxü ngupetügu rü

ngêmaãcü nixĩ erü woetama Tupana nanaxuegu nax ngêmaãcü yixĩxũ. ³⁸Rü ngêxgumarüxũ i ngêma mexũgü rü ngêma guxchaxũgü rü Ínangugü erü ya Tupana rü woetama ngêmaãcü nanaxuegu. ³⁹¿Rü tüxcüũ i yixema nax iduüemarexũ rü Tupanamaxã tarüxutaga ega tórü chixexũgagu tüxũ iyanawexãchixêëgu? ⁴⁰Rü ngêmacax ;ngĩã aixcuma nagu tarüxĩnũe i tacüma i mexũ rüexna chixexũ, rü ngĩã Cori ya Tupanacax tawoegu rü aixcuma naga taxĩnũe! ⁴¹¿Rü ngĩã Tupana ya dauxũwa ngêxmacümaxã tidexagü i tórü yumüxêwa rü namaxã nüxũ tixu i ngêma nagu rüxĩnüexũ! ⁴²Pa Corix, toma rü chixexũ taxü rü tama cuga taxĩnũe. Rü cuma i ngêma rü tama cunangupetüxêëmare. ⁴³Rü cuma rü toétügu cunanguxêxê i curü nu rü towe quingêchigü, rü tama cuxũ tangechaũtümüxũãcüma toxũ cudai. ⁴⁴Rü cuma rü wüxi ga caixanexũgu cugü quicux nax tama nüxũ cuxĩnüxũcax i torü yumüxêgü. ⁴⁵Rü guxũma i togü i nachixũanegüpexewa, rü nhama wüxi i guxchirerüxũ toxũ ícuwogü. ⁴⁶Rü guxũma i tórü uanügu rü chixexũmaxã tochiga nidexagü. ⁴⁷Rü ngêmacax poraãcü tamuüe erü toxũ ínayauxũ rü taxüema toxũ ítapoxũ rü tochicaxica nixĩ i ngêma yaxüxũ. Rü ngêma nixĩ i nawa tangexmaxũ. ⁴⁸⁻⁵⁰Rü nhama dexã iyaxũrüxũ nixĩ i

chauxgüxüetü erü naxcax chaxaxu ya yima chorü ãane ya nüxũ changechaxüne rü nhuxmax nagu napogüene. Rü taguma nüxũ charüchau nax chaxauxechaxũ erü nataxuma nax texé choxũ taãxêxêxũ nhuxmatáta dauxũguxũ i naanewa taxcax nadaue ya Cori ya Tupana. ⁵¹Rü poraãcü chorü maxũwa nangux i ngêxguma nüxũ chadaxgu i ngêma guxchaxũgü i naxcax ínguxũ i ngêma paxũgü i Yerucharéücüãx. ⁵²Rü taxuxũma namaxã chaxüyane i ngêma chorü uanügu rü nhama wüxi i weri iyaxuxũrüxũ choxũ niyauxgü. ⁵³Rü wüxi i áchiüxũ i áxmaxũgu choxũ nitaxcuchigü rü nutamaxã choxũ narüxütaũgü nax taxuwama íchaxüxüxũcax. ⁵⁴Rü guxũma ga chaxune rü dexáwa nangexma, rü nagu charüxĩnũ nax marü chayuxũ. ⁵⁵Rü chamax, Pa Corix, Pa Tupanax, rü nhaa áxmaxũwa changexmayane rü cuxna chacagü. ⁵⁶Rü cuma rü choxũ cuxĩnũ i ngêxguma cuxna chacaxgu rü choxũ cunayaxu i chorü yumüxê. ⁵⁷Rü ngêma ngunexũ i nagu cuxna chacaxũgu rü chauxütawa cuxũ, rü nhacugürü choxũ: “¿Rü taxucaxma cumuũ!” nhacurügü. ⁵⁸Rü cumax, Pa Corix, Pa Tupanax, rü choxũ ícupoxũ nüxna i chorü uanügu rü nawa choxũ ícunguxuchixêxê i ngêma yu.